

საჯარო სამართლის იურიდიული პირი - „სასწრაფო სამედიცინო დახმარების ცენტრი“

#06/07-1 მ

27 მარტი, 2014 წელი

ბ რ ძ ა ნ ე ბ ა


გარდაცვალების შესახებ სამედიცინო ცნობის შევსებაზე უფლებამოსილ პირთა განსაზღვრისა და
შინაგან საქმეთა სამინისტროს სტრუქტურებისათვის
ოპერატიული ინფორმაციის მიწოდების შესახებ

„სამოქალაქო აქტების შესახებ“ საქართველოს კანონის 70-75 მუხლების, საქართველოს შრომის, ჯანმრთელობისა და სოციალური დაცვის მინისტრის და საქართველოს იუსტიციის მინისტრის 2012 წლის 31 იანვრის #01-5/ნ-#19 ერთობლივი ბრძანებით დამტკიცებული „გარდაცვალების შესახებ სამედიცინო ცნობის შევსებისა და გაგზავნის წესის“ (დანართი #4), საქართველოს შრომის, ჯანმრთელობისა და სოციალური დაცვის მინისტრის 2000 წლის 5 დეკემბრის #239/ნ ბრძანებით დამტკიცებული „სამედიცინო დაწესებულებებიდან სამართალდამცავ ორგანოებში ცნობების მიწოდების ინსტრუქციის“ (დანართი 1), საქართველოს შრომის, ჯანმრთელობისა და სოციალური დაცვის მინისტრის 2013 წლის 12 დეკემბრის #01-46/ნ ბრძანებით დამტკიცებული „საქართველოს შრომის, ჯანმრთელობისა და სოციალური დაცვის სამინისტროს სახელმწიფო კონტროლს დაქვემდებარებული საჯარო სამართლის იურიდიული პირის - სასწრაფო სამედიცინო დახმარების ცენტრის დებულების“ მე-4 მუხლის მე-6 პუნქტის „ნ“ და „ო“ ქვეპუნქტების საფუძველზე,

ვ ბ რ ძ ა ნ ე ბ ა:

1. სიკვდილის ფაქტის დადასტურების უფლება მიენიჭოს ბრიგადის ექიმს, გვამის პირადად ნახვის საფუძველზე. ექიმი ვალდებულია სიკვდილის ფაქტის დადასტურების შესახებ შესაბამისი ჩანაწერები დაუყოვნებლივ გადასცეს რაიონული სამსახურის უფროსს, რომელიც თავის მხრივ, ვალდებულია პირის გარდაცვალებიდან 5 სამუშაო დღის ვადაში აცნობოს სამოქალაქო აქტების რეგისტრაციის ორგანოს. რაიონული სამსახურის უფროსი პასუხისმგებელია გაგზავნილი სამედიცინო ცნობის სისწორე-სისრულეზე, გარდა იმ შემთხვევისა, როცა მისი სრულყოფილად შევსება შეუძლებელია სათანადო ინფორმაციის მოპოვების შეუძლებლობის გამო.
2. ექიმის, ან მისი შეტყობინების საფუძველზე - ცვლის უფროსის მიერ პოლიციისათვის ცნობის გადაცემა განხორციელდეს საქართველოს შრომის, ჯანმრთელობისა და სოციალური დაცვის მინისტრის 2000 წლის 5 დეკემბრის #239/ნ ბრძანებით დამტკიცებული „სამედიცინო დაწესებულებებიდან სამართალდამცავ ორგანოებში ცნობების მიწოდების ინსტრუქციის“ (დანართი 1) შესაბამისად.
3. ცენტრის შესაბამისი თანამშრომლებისათვის ბრძანების გაცნობა დაევალოს ცენტრის ადამიანური რესურსების სამმართველოს;
4. ბრძანება ძალაშია ხელმოწერისთანავე;
5. ბრძანება შეიძლება გასაჩივრდეს 1 თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (მის: თბილისი, დ. აღმაშენებლის ხეივანი, მე-12 კილომეტრი #6).

ცენტრის დირექტორის მ/შ:



თეიმურაზ ხარაშვილი